

LEFTOR d.o.o., vlasnik .CO.BA domene na sjednici održanoj 14.4.2015. godine U Tuzli, donio je:

PRAVILNIK O REGISTRACIJI I KORIŠTENJU NAZIVA DOMENE ISPOD INTERNETSKOG DOMENA .CO.BA

Predmet pravilnika

Član 1

Pravilnik o registraciji naziva internet domene (u daljem tekstu: „Pravilnik“) uređuju uslove, postupak registracije i način korištenja naziva domene u okviru .CO.BA domena, kojima upravlja firma „LEFTOR d.o.o.“ (u daljem tekstu: „LEFTOR“), i međusobne odnose LEFTOR-a, kao administratora registra .CO.BA internet domena i registranata naziva domena.

Značenje pojedinih pojmova

Član 2.

DNS (Domain Name System, DNS) je bazni internet servis, koji omogućava prevođenje tekstualnih u numeričke adresne identifikatore i obratno.

Naziv internet domene je tekstualna oznaka koja predstavlja skup uređaja i servisa koji su povezani u jedinstvenu administrativno-tehničku cjelinu.

Naziv .CO.BA internet domene se sastoji iz niza alfanumeričkih segmenata, razdvojenih tačkama, saglasno odgovarajućim internet standardima (RFC dokumentima). Segment može da sadrži cifre (0-9), slova engleskog alfabeta (a-z) i crticu (-). Dužina segmenta ne smije biti kraća od dva (2), niti duža od šezdeset tri (63) ASCII znaka. Segment ne smije da sadrži crticu na početku ili kraju, kao ni dvije uzastopne crtice.

Naziv internet domene (u daljem tekstu: naziv domene) je naziv internet domene čija se registracija obavlja u okviru domena nivoa - .CO.BA,

Registar .CO.BA internet domene je jedinstvena, centralna, elektronska baza podataka u kojoj se vode nazivi internet domena i podaci u vezi sa njima.

Pojam registranta, administrativnog i tehničkog kontakta

Član 3.

Registrant je fizičko ili pravno lice, koje u skladu sa odredbama ovog Pravilnika, registruje naziv domene u okviru registra internet domena. Registrant naziv domena registruje kod LEFTOR-a, ili posredstvom ovlaštenog registra.

Administrativni kontakt je fizičko ili pravno lice, ovlašteno od strane registranta, da u ime i za račun registranta prima od LEFTOR-a i LEFTOR-u dostavlja podatke od značaja za registraciju naziva domena. Administrativni kontakt je ovlašten da izvrši izmjene svih podataka o registrovanom nazivu

domena, osim promjene registranta, promjene administrativnog kontakta i podnošenja zahtjeva za prestanak registracije naziva domena.

Tehnički kontakt je fizičko ili pravno lice, ovlašteno od strane registranta, da u ime i za račun registranta od LEFTOR-a prima i LEFTOR-u dostavlja podatke u vezi sa tehničkim pitanjima od značaja za registraciju naziva domena.

Pojam ovlaštenog registra i poslova registracije

Član 4.

Ovlašteni registar je pravno lice ili preduzetnik, koga je ovlastio LEFTOR, da u njegovo ime i za njegov račun, obavlja poslove registracije naziva domena u okviru registra internet domena. Ovlašteni registar obavlja poslove registracije naziva domena na zahtjev registranta.

Ovlašteni registar ima pravo da zaključi podugovor sa drugim pravnim licem ili preduzetnikom koji će, u njegovo ime i za njegov račun, obavljati poslove registracije naziva domena. LEFTOR nije u ugovornom odnosu sa podugovaračem i ovlašteni registar je odgovoran za sve poslove registracije naziva domena koje podugovarač obavi.

Poslovi registracije naziva domena obuhvataju:

1. registraciju naziva domene,
2. promjenu podataka o registraciji naziva domene,
3. produženje registracije naziva domene,
4. prenos registracije naziva domene na drugog ovlaštenog registra,
5. promjenu registranta naziva domene,
6. aktiviranje zaštite od javnog objavljivanja podataka o registrantu, administrativnom i tehničkom kontaktu za naziv domena, koji se čine dostupnim putem WHOIS servisa,
7. prestanak registracije naziva domene,
8. druge poslove u skladu sa ovim Pravilnikom, drugim opštim aktima LEFTOR-a i ugovorom između ovlaštenog registra i LEFTOR-a.

Način rada i uslovi za sticanje statusa ovlaštenog registra bliže su regulisani posebnim aktom koji uređuje ovu materiju.

Domeni u okviru kojih se vrši registracija

Član 5.

Moguće je registrovati domene u okviru .CO.BA domena. U okviru domena iz ovog člana, a koji nisu delegirani, LEFTOR ima pravo da registruje ili rezerviše nazive domena za svoje potrebe, kao i nazive domena potrebne za stabilno funkcionisanje internet servisa.

Podnošenje zahtjeva za registraciju naziva domena

Član 6.

LEFTOR registruje naziv domene na osnovu podnijetog zahtjeva za registraciju, u skladu sa ovim Pravilnikom i drugim važećim aktima.

Za registraciju svakog naziva domene podnosi se poseban zahtjev.

Radnjom registracije, LEFTOR i registrant stupaju u ugovorni odnos, uređen ovim Pravilnikom.

Podnošenjem zahtjeva za registraciju, registrant izjavljuje da je upoznat sa sadržajem ovog Pravilnika i da ga prihvata u cjelini.

LEFTOR ima pravo da privremeno obustavi ili ograniči poslove registracije naziva domena ako je to neophodno radi zaštite tehničkog i administrativnog funkcionisanja registra internet domena.

Naknada na ime poslova registracije naziva domena

Član 7.

Na ime poslova registracije naziva domena, koji su uređeni ovim Pravilnikom, plaća se naknada.

Na ime poslova zaštite privatnosti WHOIS podataka uz naziv domene, koji su uređeni ovim Pravilnikom, plaća se naknada.

Visinu naknade prema ovlaštenim registratorima i registrantima koji vrše registraciju direktno kod LEFTOR-a, na ime poslova registracije naziva domena, određuje LEFTOR. Ovlašteni registar, kod koga registrant registruje naziv domena, samostalno određuje visinu naknade koja se plaća na ime ovih poslova i ne može da bude niža od cijene koju odredi LEFTOR.

Podaci o registraciji naziva domene

Član 8.

Registrant je, prilikom podnošenja zahtjeva za registraciju naziva domena, dužan da pruži tačne i potpune podatke.

Podaci o registraciji naziva domena su:

1. Podaci o registrantu, administrativnom i tehničkom kontaktu za naziv domene;
2. Podaci o DNS serverima i drugi tehnički podaci u vezi sa nazivom domene.

Kada je registrant, administrativni ili tehnički kontakt fizičko lice, podaci koji se dostavljaju su: ime i prezime, adresa prebivališta, JMBG, e-mail i broj telefona.

Kada je registrant, administrativni ili tehnički kontakt pravno lice ili preduzetnik, podaci koji se dostavljaju su: naziv (poslovno ime), adresa sjedišta, id broj, e-mail i broj telefona. Dodatno, za administrativni ili tehnički kontakt dostavlja se ime i prezime osobe za kontakt u okviru pravnog lica ili preduzetnika.

Kada je registrant, administrativni ili tehnički kontakt strani državljanin, odnosno subjekt sa sjedištem u inostranstvu, umjesto putem JMBG-a, odnosno id broja, to lice se identifikuje, u skladu sa propisima države porijekla, drugim odgovarajućim podatkom koji predstavlja lični identifikacioni broj, odnosno identifikacioni broj pravnog lica ili preduzetnika.

Pored podataka navedenih u ovom članu, LEFTOR zadržava pravo da traži i druge opcione podatke koji su od značaja za registraciju naziva domena.

Ako se promijeni neki od podataka o registraciji naziva domena, registrant je dužan da najkasnije u roku od 15 dana od dana nastanka promjene, posredstvom ovlaštenog registra ili direktno, podnese LEFTOR-u zahtjev za promjenu podataka o registraciji naziva domene.

LEFTOR može samostalno ili u saradnji sa ovlaštenim registrom, u bilo kom trenutku, da provjeri ispravnost podataka o registraciji. Ako se u postupku provjere nedvosmisleno utvrdi da su podaci o registraciji naziva domena netačni ili nepotpuni, osim ako su posljedica očigledne greške, LEFTOR će zahtjevati od registranta, posredstvom ovlaštenog registra ili direktno, da uredi podatke o registraciji domene.

Ako se registrant ne odazove ovom pozivu i ne izvrši uređivanje podataka o registraciji domena, takav naziv domene najprije prestaje da bude aktivan na period od 60 dana, a nakon čega prestaje registracija naziva domene.

Izjava registranta u vezi sa registracijom i korištenjem naziva domena

Član 9.

Stupanjem u ugovorni odnos, odnosno registracijom naziva domene, registrant posebno izjavljuje i tvrdi da, prema svom najboljem znanju i iskrenom uvjerenju, registracija traženog naziva domene ne vrijeđa pravo intelektualne svojine ili neko drugo subjektivno pravo trećih lica, kao i da su svi podaci navedeni u zahtjevu za registraciju istiniti i potpuni. Registrant, takođe, izjavljuje da naziv domene ne registruje protivno načelu savjesnosti, poštenja i dobrih poslovnih običaja, te da naziv domena neće svjesno koristiti protivno ovim načelima.

Registrant daje izričitu prethodnu saglasnost i potvrdu da zna da gubi pravo na odustanak od ugovora kada ovlašteni registar izvrši registraciju tog naziva domena kod LEFTOR-a, odnosno kada LEFTOR upiše naziv domena u registar internet domena.

LEFTOR ne snosi odgovornost za štetu koja nastane zbog davanja netačnih podataka o registraciji naziva domena, niti zbog neovlaštenog ili protivpravnog korištenja naziva domena od strane registranta.

Registracija i aktiviranje naziva domene

Član 10.

LEFTOR vrši registraciju naziva domena prema pravu prvenstva, saglasno principu: „prvi u vremenu, jači u pravu“.

Registrant ima pravo prvenstva na traženi naziv domena, od trenutka kada ovlašteni registar izvrši registraciju tog naziva domena kod LEFTOR-a, odnosno kada LEFTOR upiše naziv domena u registar internet domena.

Naziv domene postaje aktivan kada LEFTOR izvrši upis podataka iz registra internet domena u glavnu DNS tabelu za domene i učini je aktivnom na javnom DNS serveru.

LEFTOR je dužan da naziv domena aktivira po pravilu odmah, a najkasnije u roku od tri radna dana od trenutka registracije. Rok iz ovog stava može biti produžen u izuzetnim slučajevima, kada LEFTOR privremeno obustavi ili ograniči poslove registracije naziva domena u skladu sa ovim Pravilnikom.

Podaci o registrovanom nazivu domene

Član 11.

Registar internet domena sadrži najmanje naredne podatke o svakom registrovanom nazivu domene:

1. naziv domene;
2. podatke o registrantu, administrativnom i tehničkom kontaktu iz člana 8. ovog Pravilnika
3. datum registracije;
4. datum isteka registracije;
5. naziv ovlaštenog registra posredstvom koga je izvršena registracija naziva domena, ako je registraciju napravio ovlašteni registar

Javno dostupni podaci o registrovanim nazivima domene

Član 12.

LEFTOR putem WHOIS servisa čini dostupnim podatke iz registra internet domena, i to:

1. naziv domene
2. podaci o registrantu, administrativnom i tehničkom kontaktu
3. datum registracije naziva domene
4. datum posljednje promjene podataka o registraciji naziva domene
5. datum isteka registracije naziva domene
6. naziv ovlaštenog registra koji vrši poslove registracije za naziv domene
7. trenutni status naziva domene (aktivan, deaktiviran, u sporu, itd.)
8. podaci o DNS serverima i drugi tehnički podaci u vezi sa nazivom domene.

Podaci o registrantu, administrativnom i tehničkom kontaktu koje LEFTOR putem WHOIS servisa čini dostupnim su:

1. za fizička lica: ime i prezime; adresa; telefon
2. za pravna lica ili preduzetnike: ime i prezime osobe za kontakt u okviru pravnog lica ili preduzetnika koje je administrativni ili tehnički kontakt, naziv (poslovno ime), adresa sjedišta, telefon i e-mail.

LEFTOR na zahtjev registranta aktivira zaštitu od javnog objavljivanja podataka o registrantu, administrativnom i tehničkom kontaktu za naziv domena koji se čine dostupnim putem WHOIS javnog servisa. Na ime poslova zaštite od javnog objavljivanja podataka na WHOIS plaća se naknada.

Dostavljanje podataka iz registra internet domene

Član 13.

LEFTOR će omogućiti nadležnim organima, drugim licima i službama pristup podacima iz registra internet domena, koje LEFTOR prikuplja u skladu sa ovim Pravilnikom, uključujući i podatke za koje je aktivirana zaštita od javnog objavljivanja posredstvom WHOIS servisa, ukoliko u skladu sa važećim propisima Bosne i Hercegovine imaju pravo na pristup tim podacima.

Podatke koji su potrebni radi pokretanja i vođenja sudskog spora ili postupka alternativnog rješavanja spora u vezi sa nazivom domena, uključujući i podatke za koje je aktivirana zaštita od javnog

objavljivanja posredstvom WHOIS servisa, LEFTOR dostavlja na zahtjev upućen službenim putem od strane nadležnog suda ili tijela za alternativno rješavanje sporova.

Ako treće lice uputi zahtjev za dostavljanje podataka o nazivu domena, za koji je aktivirana zaštita od javnog objavljivanja posredstvom WHOIS servisa, LEFTOR će od registranta tražiti da se u roku od 15 dana izjasni o davanju saglasnosti za dostavljanje zatraženih podataka podnosiocu zahtjeva. Ukoliko je registrant saglasan, LEFTOR će tražene podatke za predmetni naziv domena dostaviti licu koje je podnijelo zahtjev.

Kada je za naziv domena aktivirana zaštita od javnog objavljivanja posredstvom WHOIS servisa, LEFTOR će kontaktima za naziv domena elektronskim putem dostaviti dopis trećeg lica, koji za tu svrhu treće lice dostavi LEFTOR-u.

Trajanje registracije naziva domene

Član 14.

Naziv domene se registruje na period od jedne do najviše deset godina, uz mogućnost produženja.

Registracija i produženje registracije naziva internet domena vrše se na cijele godine, računajući od datuma registracije.

Promjena podataka o registraciji naziva domene

Član 15.

Registrant podnosi LEFTOR-u zahtjev za promjenu podataka o registraciji naziva domene, posredstvom ovlaštenog registra koji vrši poslove registracije za taj naziv domena ili direktno. Promjena registranta i prenos naziva domene između ovlaštenih registara uređeni su posebnim članom ovog Pravilnika.

Ukoliko je podniet uredan zahtjev, LEFTOR je dužan da promjenu podataka o nazivu domena sprovede po pravilu odmah, a najkasnije u roku od tri radna dana od trenutka prijema zahtjeva od strane ovlaštenog registra.

Promjena podataka o registraciji naziva domena je sprovedena kada LEFTOR izvrši upis ove promjene u registar internet domena.

LEFTOR ima pravo da mijenja sve podatke o registraciji naziva domena na osnovu pravosnažne sudske odluke, odluke nadležnog tijela za alternativno rješavanje sporova ili ukoliko je izmjena neophodna radi očuvanja tehničke stabilnosti Interneta.

Produženje registracije naziva domene

Član 16.

Registrant podnosi LEFTOR-u zahtjev za produženje registracije naziva domena, posredstvom ovlaštenog registra koji obavlja poslove registracije za taj naziv domena ili direktno.

LEFTOR je dužan da produženje registracije naziva domena sprovede, po pravilu odmah, a najkasnije u roku od tri radna dana od trenutka prijema zahtjeva od strane ovlaštenog registra za produženje registracije naziva domena. Rok iz ovog stava može biti produžen u izuzetnim slučajevima, kada

LEFTOR privremeno obustavi ili ograniči obradu zahtjeva za registraciju naziva domena u skladu sa ovim Pravilnikom.

Produženje registracije naziva domena je sprovedeno kada LEFTOR izvrši upis ovog produženja u registar internet domena.

Produženje registracije naziva domena moguće je i tokom trajanja registracije, ali ukupan broj godina na koji je naziv domena registrovan ne može biti duži od 10 godina. Produžena registracija počinje da teče nakon isteka tekuće registracije.

Istekom perioda registracije naziv domena prestaje da bude aktivan. Registrant ima naknadni rok od 30 dana da izvrši produženje registracije naziva domena, nakon čega se, ukoliko ne bude produžen, briše iz registra internet domena.

Ako registrant izvrši produženje registracije u naknadnom roku, produžena registracija počinje da teče od isteka prethodne registracije.

Prenos naziva domene između ovlaštenih registara

Član 17.

Registrant ima pravo da izvrši promjenu ovlaštenog registra (u daljem tekstu: „ovlašteni registar“) za nazive domene, koje je posredstvom njega registrovao ili produžio.

Promjena registranta naziva domene

Član 18.

Promjena registranta se vrši na osnovu:

1. zahtjeva registranta;
2. odluke tijela za alternativno rješavanje sporova u vezi naziva domene;
3. pravnosnažne odluke nadležnog suda.

U slučaju iz tačke 1. prethodnog stava, zahtjev za promjenu registranta dostavlja se LEFTOR-u, posredstvom ovlaštenog registra koji obavlja poslove registracije naziva domene za predmetni domen.

Uz zahtjev se dostavlja uredna izjava o promjeni registranta, kojom trenutni registrant izjavljuje volju da se izvrši promjena registranta, dok novi registrant podnosi zahtjev za registraciju naziva domene, saglasno članu 6. Ovog Pravilnika.

LEFTOR provjerava podatke iz zahtjeva i tačnost podataka o nazivu domene u Registru domena. Ako podaci o registraciji naziva domene nisu tačni, registrant koji podnosi zahtjev za promjenu registranta dužan je da takve podatke prethodno uredi.

Ako su ispunjeni uslovi iz ovog člana, LEFTOR obavlja prenos registracije naziva domene, sprovođenjem promjene registranta u registru internet domena, po pravilu odmah, a najkasnije u roku od tri radna dana od prijema urednog zahtjeva posredstvom ovlaštenog registra. Ovim prethodni registrant istupa, a novi registrant stupa u ugovorni odnos sa LEFTOR-om, prihvata ovaj Pravilnik u cjelosti i stiče sva prava i obaveze prethodnog registranta koje proizlaze iz tog ugovornog odnosa.

U slučaju iz tačkaka 2. i 3. stava 1. ovog člana, LEFTOR vrši promjenu registranta saglasno navedenim odlukama.

Prestanak registracije naziva domene

Član 19.

Registracija naziva domene prestaje ako:

1. registrant podnese zahtjev za prestanak registracije naziva domene;
2. registrant ne produži registraciju naziva domene po isteku naknadnog roka iz člana 16. Ovog Pravilnika;
3. tijelo za alternativno rješavanje sporova u vezi naziva domene svojom odlukom naloži prestanak registracije naziva domene;
4. pravnosnažnom odlukom nadležnog suda bude naložen prestanak registracije naziva domene;
5. nadležni javni tužilac svojim aktom naloži prestanak registracije naziva domene;
6. registrant izgubi svojstvo subjekta prava, bez pravnog sljedbenika;
7. LEFTOR, u postupku iz člana 8. stav 8. ovog Pravilnika, utvrdi da su podaci o registraciji naziva domene netačni ili nepotpuni.
8. Ako registrant grubo prekrši Pravilnik
9. Ako se utvrdi da registrant koristi domenu protivno datim izjavama iz člana 9.
10. Ukoliko je registrovana domena neophodna radi očuvanja tehničke stabilnosti

Registrant, odnosno ovlaštenu registar, nema pravo na puni niti djelimični povraćaj naknade troškova prethodne ili produžene registracije naziva u slučaju prestanka registracije po osnovima iz ovog člana.

Rješavanje sporova u vezi sa nazivima domene

Član 20.

Sporovi u vezi naziva domene, registrovanih prema ovim Pravilnikom, rješavaju se pred Sudom.

Registrant prihvata nadležnost Suda za rješavanje povodom registracije internet domene samom registracijom naziva domene. Registrant takođe izjavljuje da će prihvatiti odluku ovog tijela.

Jezik, nadležnost i mjerodavno pravo

Član 21.

Ovaj Pravilnik sačinjen je na bosanskom jeziku. Ukoliko je tekst Pravilnika dostupan na nekom drugom jeziku, mjerodavna je verzija na bosanskom jeziku.

Svi eventualni sporovi u vezi registracije naziva domene, rješavaće se pregovorima i mirnim putem. Ukoliko to ne bude moguće, spor će se riješiti pred nadležnim sudom. Kao mjerodavno pravo određuje se pravo Bosne i Hercegovine.

Izmjene i dopune Pravilnika

Član 22.

LEFTOR zadržava pravo da vrši izmjene i dopune ovog Pravilnika, pri čemu je dužan da o tim izmjenama, objavljivanjem na internet prezentaciji, obavijesti registrante i ovlaštene registre, najranije 3 dana prije dana stupanja izmjena na snagu.

Stupanje na snagu i početak primjene Pravilnika


Član 24.

Ovaj Pravilnik stupa na snagu u roku od 5 dana od dana usvajanja od strane uprave LEFTOR-a i mora se objaviti na internet prezentaciji LEFTOR-a.

Stupanjem na snagu ovog Pravilnika, prestaju da važe svi raniji Pravilnici o registraciji naziva internet domene objavljeni prije 14.4.2015. godine.

U Tuzli, 14. april 2015. godine

Direktor LEFTOR d.o.o.



Protokol broj: 0066/2015

Kristijan Smiljanić, mr.sci.el.teh